



ZU DOM ZDRAVLJA CAZIN

ul. Indire Pjanić 28, 77220 Cazin; tel: 037 515 400; fax: 037 539 027
e-mail: info@dzcazin.ba; web: www.dzcazin.ba

Broj: 4287/24

Dana, 03.10.2024. godine

Na osnovu člana 25. i 70. tačka (1) Zakona o javnim nabavkama („Službeni glasnik BiH” broj:39/14 i 59/22), Zakona o upravnom postupku FBiH (Službene novine FBiH broj:2/98,48/99), Odluke o planu nabavke i provođenju procedura javnih nabavki za poslovnu 2024. godinu, broj: 163/24 od 11.01.2024. godine, Odluke o pokretanju postupka broj: 3301/24 od 25.07.2024. godine, Zapisnika o ocjeni ponuda broj: 4263/24 od 02.10.2024. godine, Preporuke Komisije za javne nabavke broj: 4264/24 i Akta broj: 4264-1/24 od 02.10.2024. godine, te člana 54. Statuta ZU Dom zdravlja Cazin (broj:4470-1/13), v.d. direktor donosi:

ODLUKU

o poništenju postupka javne nabavke laboratorijskih reagenasa za potrebe laboratorijskog aparata Advia (Lot 6.)

Član 1.

Poništava se postupak javne nabavke laboratorijskih reagenasa za potrebe aparata Advia (Lot 6.) shodno članu 69. stav (1) tačka b) Zakona o javnim nabavkama u BiH (“Službeni glasnik BiH broj:39/14 i 59/22), iz razloga što niti jedna o primljenih ponuda nije prihvatljiva, shodno članu 69. stav (2) tačka d) Zakona o javnim nabavkama u BiH (“Službeni glasnik BiH broj:39/14 i 59/22).

Član 2.

Odluka stupa na snagu danom donošenja, a o njenom izvršenju starat će se direktor Ustanove u saradnji sa nadležnim službama Ustanove. Odluka će biti objavljena na web-stranici ZU Dom zdravlja Cazin www.dzcazin.ba, istovremeno sa upućivanjem Odluke i Zapisnika o ocjeni ponuda, ponuđaču Diamedic d.o.o. Sarajevo koji je učestvovao u postupku javne nabavke predmetnih roba.

Obrazloženje

Postupak javne nabavke pokrenut je Odlukom o pokretanju postupka javne nabavke broj:3301/24 od 25.07.2024 godine. Javna nabavka se provodila putem otvorenog postupka. Procijenjena vrijednost javne nabavke za Lot 6-Nabavka laboratorijskih reagenasa za potrebe aparata Advia, procijenjena vrijednost nabavke 95.000,00 KM (bez uključenog iznosa PDV-a). Ugovorni organ objavio je postupak javne nabavke predmetnih roba na Portalu javnih nabavki BiH, broj obavještenja o nabavci:208-1-1-51-3-42/24 od 26.07.2024. godine, te sažetak obavještenja dostavio u Službeni glasnik BiH. Uvidom u izvještaj o preuzimanju tenderske dokumentacije vidljivo je da je ponuđač Diamedic d.o.o. Sarajevo, preuzeo tendersku dokumentaciju putem Portala, te da je ostvario pravo na učešće. Uvidom u dostavljenu ponudu Komisija za javnu nabavku je konstatala da ista nije prihvatljiva iz razloga što ponuđač u svojoj ponudi nije dostavio Potvrdu o upisu reagenasa kod nadležne Agencije, već je isti dostavio izjavu i popratne dokaze da je isti u postupku obnove upisa predmetnih reagenasa kod nadležne Agencije, što je u suprotnosti sa članom 3.4. pod b) TD broj:3302/24 od 25.07.2024. godine. Obzirom da je ponuđač jedini predao ponudu u postupku nabavke predmetnih reagenasa, Direktor je prihvatio preporuku Komisije (akt broj:4263-1/24 od 02.10.2024. godine), te u skladu sa navedenim činjenicama postupak se poništava. U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu ponude, u skladu sa uslovima iz tenderske dokumentacije, odnosno u

skladu sa Zakonom o javnim nabavkama Bosne i Hercegovine, podzakonskim aktima, internim aktima u predmetnom postupku.

POUKA O PRAVNOM LIJEKU

Nezadovoljna strana protiv ove Odluke ima pravo uložiti žalbu ugovornom organu, odnosno ZU Dom zdravlja Cazin kao prvostepenoj instanci u žalbenom postupku, u pismenoj formi u roku od 10 (deset) dana od dana prijema ove Odluke. Žalilac koji je propustio izjaviti žalbu, shodno navedenom, gubi pravo tražiti ispitivanje zakonitosti po istom osnovu, u kasnijoj fazi postupka.

Dostavljeno:

- Direktor
- Ponuđaču u postupku,
- Stručni saradnik za javne nabavke
- ☺ Stručni saradnik za informacione tehnologije
- Služba za finansijsko računovodstvene poslove

V.D. DIREKTOR
Dr. Šabić Fuad, spec. urgentne medicine



Odluku sačinila: Ekmečić Merima, dipl.ekonomista

A handwritten signature in blue ink, written in a cursive style, located below the printed name of the official who drafted the decision.